

饒平縣志卷之十五

賴川劉并纂修

藝文 文部

饒平縣重修接官亭石橋碑記 明 黃 琮

接官亭在縣治之南去城不半里而近下有深澗廣  
若下高若干西溪之水出焉邑之人來往要道也舊  
有橋素竹架梁行者稱便顧歲異月殊石墜梁頽夏  
潦秋霖漲漫濛濛幾為坑塹往來者病焉維我邑侯  
鍾父母治饒既政通人和復惻然曰橋梁不修誰之

饒平縣志 卷十五

藝文

過乃捐俸委邑尉龔廷葵董其事而昕夕督工則鄉  
約陳曰儲紀希質邱祖贊劉可耀也且也遠近嚮風  
咸醵金來助於是墜者修缺者補岸西一帶悉甃以  
石以防馳波橫潰橋既舊址高三尺餘崇麗堅緻宛  
若長虹駕空輿者行者即馳九衢聘康莊不加使也  
是役也僑助於萬歷壬寅十月落成於癸卯正月祭  
飲之日仕此邑者邑之大夫士與田夫犖叟共祝橋  
壽且頌侯功侯諱四麟別號宇涵粵西鬱林人也余  
於是賀此橋之造也不可不記記已系之以詩曰徒



在輿梁開國之政除道通旅寔民之慶仁哉我侯  
念斯橋籌畫相度率先植標水旣昏正王功乃興  
以使民不夙而成萬姓歡呼頌侯之德侯曰勿爾  
乃牧之職嗟嗟長虹千古常存猗歟橋功業並  
乾坤願侯之嗣如鳳之毛願侯之位埒橋之高

陽公溪記

周 瑛

饒平潮始分縣其地東南接海西北入於蓮山與惠  
及閩汀漳諸境壤接民庶繁衍物貨富饒不在潮揭  
諸縣之下有溪發源自清遠元歌等都九村諸處循

饒平縣志

卷十五

藝文

二

東南行饒平縣至宣化都鳳岡入海中間亘二百餘  
里自縣而下亂石錯出大者如象小者如馬其銛利  
者如矛戟水奔注其間輿亂石遇搏激怒號如雷霆  
時鄉人舊呼石頭溪凡舟行至此皆束擔登岸跋蹶  
二十里始達於縣民病之前尹邱侯來有志疏鑿因  
縣治厄於火極力營治始克就緒而擢爲監察御史  
以去及宏治乙卯陽尹授命自京師來御史君告以  
舊政且以前溪未及就緒爲憾陽公曰苟有利於民  
敢不勉終公志比到縣民以疏鑿石頭溪來告君上



其狀於府於道時掌道事僉事王公相詢及於民之  
利病得公狀大喜力主之君曰凡事功之立下可而  
上不可不可也上可而下不可不可也上下交可功  
且可矣乃治鐵炭竹木凡可以攻石者皆爲之備又  
治穀粟魚鹽凡可餉工者皆爲之備又以爲人力不  
可以驟使凡可計工畚土皆許度所宜而爲之備又  
以爲事功倚人而集凡議屬功皆豫擇人而爲之備  
凡旣備矣乃相與從事以錘以鑿以琢以毀以畚以  
插以畀以置於是如象者殲如馬者踣如矛戟者以

饒平縣志

卷十五

藝文

三

辨而雷霆怒號者成坦流焉饒平人曰此我饒萬世  
之利也其可忘乎因改名其溪曰陽公溪予嘗考之  
載籍矣古者爲人謀國多言水利蓋水之爲利大矣  
以田則資灌溉之益以路則免飛輓之勞以上民乘  
載商賈興販則無跋跣負任之苦如韓遣鄭國往說  
秦鑿涇注洛秦人享其利名曰鄭公渠趙中大夫白  
公勸漢引涇注渭漢人享其利名曰白公渠然則是  
溪疏鑿啓其謀者卽侯也主其事者上公也至于身  
任其責疏鑿成功者則陽侯也名曰陽公溪不亦宜



哉陽公名宏字克寬廣西桂林府臨桂縣人起庚子鄉薦歷宜春錢塘二縣教諭嘗與蜀省文衡考優等擢授今職聞蒞政之初徃徃圖古賢哲以自軌範每發一政必商度宜于民而後行但味爽坐堂上左爬右梳至日昃始退其志甚勵也勉之有終則聲價與此溪相終始矣余未識陽公饒邑教諭謝君愷同予爲莆人以衆將立石乃爲述其事以來予故授之言俾刻諸石

重濬河口陂記

郭之奇

饒平縣志

卷十五

藝文

四

五

饒邑治北門外舊有河口陂居民鱗次環爲田可千畝恃以導不竭之源久矣崇正二年夏澗水激湍驟雨漂至決齧衝毀而陂之流遂湮旱魃屢虐荒原六載鄉人嗷嗷待命曰焉得西門白公其人者爲此一方紆旦夕急也霖翁梁公慨然憫之謂此陂之屢潰者無餘地以蓄水水壅弗得行必齧決田與水爭利勢弗勝匪捐地界水不可乃出貲三百餘金買沿河田捨爲溝渠以通水度高下砌石磯連峙堅厚延袤一百五十丈有奇水利自舊寨溪起至城北合濠入



於城又東出於閘又南會於濠一轉至河口莫不溝  
堤洫界水有所潴可令畝一鍾何憂嘆哉是役也隣  
陂田廬量力協濟興工於九年春仲竣工於本年秋  
抄衆食其功將勒貞珉志不讓鄉之子衿耆民李玉  
林調謀言於余余不佞唯唯夫稱人之官久不見於  
世其所謂以潴蓄水以溝蕩水以防止水以遂均水  
以列含水以澮瀉水之制無有焉間有爲民興利如  
白公西門渠叔敖作期思灌雩婁與夫鉗盧玉池金  
蘇堤之作至今稱之要之宦其土而有作焉未有于

鄉而有然者如文忠公爲西湖去葑蓄水長堤蛇蠍  
功在白世而其鄉之環湖魏了翁作之蘇公固弗及  
豈力有弗遑抑以小而闕焉遺也公以戊辰進士初  
司太平理正氣直節侃侃著聞旣補保寧寇盜充斥  
青城岷峨間無完城矣公攝郡符日夕繕城守而一  
方底定當事露章交薦天子方嚮用公自此南綏北  
遇東平西討與夫綱漕之地爲決爲塞所以重簡俾  
公者洵不在一鄉一山之勞而公顧不遺乎其小也  
况大於此者乎昔人有言君子有爲于國無小無大



各舉其力焉。且又謂卽小可以見大也。公以彌綸天下才而不遺於其鄉，足以知他日身任天下無小大之或遺也。是烏可以無記。

永奠田間水道德政碑

闔邑士民

國家賦稅咸輸於田。田有水旱輪有樂苦，理勢較然也。饒有鄉落，土名官田大坑，越縣治十里許，而田疆界魚鱗相接。官田田五百畝，而低大坑田僅百畝，而高官田藉水於君山之麓。大坑田藉水於龍潭之派，源分流殊，罔有釁端。不虞先年洪水爲災，官田水路

饒平縣志

卷十五

藝文

六

衝崩殆盡，人力莫何得聚財鳩工，另尋源于一二坑之水，開鑿至龍潭溪下，異源合流，而大坑之水始盈溢有餘。然欲均分灌溉，而水勢自高，而卑未免有由。大坑而沿者，乃於山處則鋤開于田處則量補，雖尺寸窄隘不吝，積騰合同契約，各安水道矣。柰時移日久，豪猾生心，恃居密邇，溝路屢填，賦稅將焉出哉。是於諸生不能無訟也。幸而福星邱父母切小民之依重，賦稅之役，旣委儒學張公，勘明處分，又命巡司喬某，竭力溝瀆，時適肥蠶，作愆早，殷爲患，而躬行步拜循。



舊疇龍潭之墟第見至誠格天雷雨誕降矧此十民  
復有梗化乎然且不避囑涉目擊田畀之分合詳悉  
而後乃旋他日張生有流經已田之說未卜真否不  
妨再勘稍有纖毫碍及卽捐俸金倍償之并將所償  
田租年送學爲燈油費以一正破百邪一公酌衆願  
自是而兩情悅服仁德載天矣其懿德善政胡能護  
乎遂購鑿工勒之於石以垂不朽是爲記

黃岡鄉較記

劉遠

爲政之務夥矣第一就事治事隨法行法而已矣至

饒平縣志

卷十五

藝文

七

於鄉較之設講習禮儀之地民志之所以定風俗之  
所由淳在上導民之政莫切要於此焉者也蓋田呂  
氏條約考亭朱子特爲增損先正之注意如此是豈  
可以文墨視哉饒爲潮之屬邑黃岡爲饒邑巨鄉是  
鄉有約其來遠矣正統間郡守王公源曾舉行之然  
月會假于他所鄉校之建無聞焉約亦尋廢後知縣  
陽公宏欲行之而布政使林公是其議於郡守駱公  
龍未及行旣而巡按御史魯公昂會縣計工度地爲  
鄉校追復古禮以阜民俗尋亦中轍宏治間郡守葉



公元王至其厥然從黃耆之請即發帑錢百緡仍給其  
工人之餼以廢崇真堂之址鼎建鄉較一所買田地  
以益之後爲正堂設先師之位于中翼以兩廊前爲  
廳事外爲大門周繚以垣植果木于垣內地廣九丈  
二尺六寸其袤一十三丈壬戌正月始事四月落成  
鄉推許志廸張朝紳余智爲都約正副隱士陳致忠  
討論其規義入約者數百餘人衣冠褻然有先民風  
迨許張淪沒葉郡守獎余智主其事張之兄朝哲許  
之弟志高副之繼郡守張公時澤縣令毛公棠亦若  
饒平縣志

卷十五

藝文

八

是其行也然歲月積久約士凋殘有司亦視鄉較爲  
停驟庖福之館正德間郡守鄭公良佐貳守葉公性  
節推何公頤同務德化奮然作興葉公捐俸銀五兩  
修葺鄉較作先師四配神龕而附藍田考亭于左右  
焉保余智爲都約正劉士萬許世榮爲都副正凡預  
約者月朔皆深衣俟于鄉較如故事行禮咸相砥礪  
毋涉以副郡邑化民成俗之意於戲不圖古昔先民  
之教復見於今乎自今以往使在上皆若是之化導  
下之人皆若是之自立而各鄉皆若是之立約則先



其典型具在務講解而習行之毋徒飾虛文爲美  
焉將見合郡下吏不煩而民不擾共躋乎聖世太平  
仁壽之域矣豈特止黃岡一鄉而已哉然則是舉也  
誠非治一事行一法所可擬焉者僉謂斯舉不紀無  
以彰前而淑後也遂爲郡縣立石命遠作文以紀之  
乃敢論述鄉較廢興之由風教關係之大上下感應  
之速以俟諸無窮云

南灣漢壽亭侯祠記

何敦復

彝考閩粵在漢季始入輿圖而海外島嶼不與焉迨

饒平縣志

卷十五

藝文

九

高皇帝龍飛汎掃混一區宇於是薄海內外罔不賓  
服而南灣越在南海外當二省之交蓋汪洋中一嶧  
嶺也故爲鮫人漁子之宮頃疆圉不靖連黨徃徃據  
此以抗王師遂視爲盜藪焉嘉靖間命都督俞大猷  
副總兵劉顯率舟師三萬人討吳平英平走匿南灣  
若虎負隅相持三月罔績事聞復命都督戚繼光提  
發兵五千自浙來援都督夜夢赭面美髯偉丈夫決  
筴曰若從後攻賊靡不破矣詰旦如其言留一千人  
殿後潛卒三千人從灣之雲蓋寺芟刈林莽且息日



定三日道開布列已定饒炮齊發軍聲振天賊衆大  
驚披靡以爲王師從天而下也一日夜俘斬二千級  
賊自殺死無算吳賊獲小舟遁外洋僅以身免然自  
是挫損尋亦撲滅邇者兩省師省臣會請于朝謂委  
險予敵非便乃相地而城守之以副總兵一員統兩  
省舟師建牙爲屹然海上雄鎮矣首被命則白君瀚  
紀繼之者晏君維芳侯君繼高今則于君嵩也前二  
三君者咸以大將軍功伐繫壽亭侯宣威効靈之助  
議建祠報禮屬草創未遑自于君蒞鎮先聲制勝海

饒平縣志

卷十五

藝文

十一

氛屏息輕裘緩帶諸務畢舉若闢土田以贍兵食開  
市集以通貿易葺廬舍以奠民居種種可述而壽亭  
侯祠建剏區畫尤殫厥心力遺像儼然赫奕在上使  
人瞻視恍若侯怒氣橫戈助兵滅賊時也夫嶺海去  
中原萬里侯生平未嘗一履其地乃顯相王師破此  
黠賊不啻推枯拉朽侯忠義之氣殆如日月在天容  
光必照河海行地無濬不通者歟其血食此土也有  
田然矣予不穀濫竽海防之役嘗偕于君視師予聞  
其事甚駭會祠成于君徵文以記予故得論述之如



此子君杭州人太保肅愍公後文武忠孝克世其家  
其敬禮侯也視法祖之意一轍云督工則千戶李道  
基而水陸官兵咸効勞動因系迎神祠二闕俾報賽  
者從事焉

重修南灣文昌祠記

黃日昌

皇上御宇之五年德政覃敷文教翔洽凡窮微荒谷  
縫掖士皆得持三尺牘拾青紫以鼓吹休明邇益嘉  
意武備至騎射試策亦引奏重瞳鑒別賜第如春官  
故事稱異數云余觀此而知右文之朝不厭重武則

饒平縣志

卷十五

藝文

七

用武之地未嘗不可興文也南灣何以有文昌祠灣  
故水鄉樓船將軍建牙處也枕山襟海爲閩粵咽喉  
自入版圖來規制漸備城垣營署碁布星羅土廣而  
平地險而沃賦輕而民樂業勇於公鬪而金山雲蓋  
諸峯嶙峍聳拔其蒼煙秀色若與澄波練影吞吐映  
發于森茫萬頃中也者是宜文嘉隆以後風氣日開  
左鳳水右丹霞世業僑居蓋無不家纓弁而人吟誦  
猶以風濤阻限則總府得差等童子試卻毅詩禮何  
足異哉年來子衿濟楚賢書薦登余同籍陳君瓊且



正南宮職則夫天荒既破地靈宏恢文昌炳烺無不  
不昭耀千古耳文昌祠始于萬歷壬辰李將軍應詔  
所建修于潘將軍廷試歲久棟宇傾頽丹堊剝落重  
建于陳將軍廷對猶未備也我鄉陳總戎陳克公之  
壯猷先是以武闡高第持節鎮灣城籌海公餘群灣  
之士民相與討軍實講禮誼諮詢疾苦揚扃經術上  
翁然尸祝之今秋再得借恂徘徊故祠慨然以修復  
爲已任於是捐資設費鳩工庀材易朽而堅持傾以  
整更爲之稽掌故塑像以壯觀瞻其春秋俎豆之需

饒平縣志

卷十五

藝文

三

則取之石犀餉額如舊旣竣事而灣士之顧瞻廟貌  
者聘繹趨踰者又無不肅然敬愾然思蒸蒸然如有  
爽也總戎公輟然喜而以記屬余昌余固不文且竊  
祿三年山海交訏一籌莫展益復弗武顧嘗兩閱灣  
人文其都雅成章不減群邑諸士而文濤筆峯則似  
有得於苞塞之驟開者因思群邑密邇宮墻 文廟  
是飯島嶼遼隔澤宮文祠是仰壇宇雖異鑪冶則同  
謹按 帝君傳掌祿柱二籍其勸世文輒諄諄於忠  
孝兩字則其所以鼓舞英豪培植氣節者真不在本



一園灣亦海濱得常觀察作興遂成鄒魯今人文  
甲寓內灣卽荒島乎而神祠啟佑未必非文章之  
助也總戎公修祠之意殆所引與勸學宮者乎祠  
在陸張丞相二忠祠稍下前人評之必有深心嗣今  
者尚其修廢舉墜勿替引之爾灣土亦尚涵濡聖澤  
珍重國華以無負所佩服而崇奉四帝君神如在必  
能從宏文天府之餘止戈爲武使荆棘化爲芹藻鱗  
魚盡作蛟龍海國蒼黎長享波恬浪靜之福則於神  
乎有厚祝矣

饒平縣志

卷十五

藝文

三

新建南灣真武廟碑記

王懋中

閩粵之交有島峙天池名南灣我明大一統以糲米  
捐之遂成聚奸淵藪向生梗患當事者詰戎爰彝聖  
天子命大將秉節鉞擁樓船彈壓其間控制二省焉  
肇自萬歷己卯春勅金城號一雄鎮第頻歲沴青恒  
流招徠之毗弗康豫呶晦弗登弗之揀先堪輿家爲  
言曰亡惑乎其弗利也鎮勦于深灣距海北金門山  
爲賓南主山則欽峯萬仞張東西翼而圍若椅然獨  
冠肩翠微上豁洞洞開一隙遠雲蒼寺望之闕焉爲



無漁者所穿路此風烝之未完也灣畔之用閣學也  
上年秋會報大將軍劉恭谿公遷大都督以例候代  
未之行廼愀然作曰吾責也豈以吾之將行也而遺  
其志慮者哉亟謀諸灣畔首出俸金若干倡擬構真  
武閣爲保釐計昨咸踴躍之比予有繕城勘田事得  
航海偕大將軍登覽其上大將軍一一指畫予心合  
基同亦欣然樂爲之助聿命鬼材鳩工于是遠近荷  
畚鍤以趣不閱月而告竣因出栢基閣三楹序秩秩  
護以富墉紆以盤磴隱約其扁碑之平固殆不知山

之爲閣閣之爲山也捫蘿徂椒若躡雲閣頰而眺之  
海之涉洶渺瀛者掬于一日山之透迤綿亘者如旗  
如此如劍突兀蹲踞如鼓如鼙如星斗壯哉大觀斯  
鎮之號全雄矣今年春大將軍以簡書嚴重戒于行  
欲鏤真武像而未果也代大將軍者白小溪公全亡  
何徵于夢廼敬鏤之神之儼然尊于其位矣嗟夫大  
將軍顧瞻山河愴焉回竇故甃傑閣塞孔道若展其  
援山之力而乘其補天之功豈直爲安海民已耶夫  
以數百年草莽性賦之區一變爲閭閻元戎之府夫



已得名賢出鎮而東南保障益固又未幾因山川形勝之未備版築苴補之一周實賴名賢經營而鎮域若金甌斯全由是風氣完濟吐安用鞏漳潮門庭貽閩粵堂奧奠枕而臥也匪特開治於一時者哉予嘗同大將軍夜半登峙海樓時值月華拜瞻良久以今覩之所開祥于斯鎮者殆世世未艾也斯固其一兆歟

放鷄山天妃宮碑記

何斌臣

夫溟渤之間歆盼饗而赫濯厥靈者則天妃靡孱矣

饒平縣志

卷十五

藝文

五

海之民網罟者戈鋌者探奇贏者掛片帆鼓一楫必禱于神以行其或中流無際風濤撼之亾命攫之三老籲號遙望赤光一星熒熒薄檣櫓間則知神至而寇逝而波澄故瀕海在在祀之而放鷄山舊蹟頗稱明著焉山距南島數百十里而遙相傳謂舟過者必禱神以鷄不熟而薦之隨放雌雄聽其孳息若不待祝若有神司之者亦有乞鷄而持其往者則鷄又若爲神將命以羽翼請乞人所至必獲利吉此放鷄之名所由昉也歲己未余叨守泐鎮而不逞袁進等先



時連艘數十聚衆數千跋扈去來於潮濤之界余憮  
帥致討追捕外洋從敵臺高處望海中一邱蜿蜒如  
帶如鈎若砥柱若湧蓮灌叢蔽翳紫氣氤氳香光隆  
隆起健兒舉榜指之曰此放鷄山神祠也命戈船泊  
而登之薰盥再拜有從門外啄戢聲噍噍者余心奇  
之旣而陟其岡阜雖週遭不百畝峻嶒不數級然巨  
石巉巖波濤四繞東盡扶桑萬頃左顧右盼隱然爲  
扼險設伏之地相距里許有灣曰馬耳春冬例有汛  
師一哨屯之蓋所以捍全潮門戶據吾灣藩籬者此

其最衝最勝也惜其祠宇湫隘草創不數椽偏在林  
麓無當明神大觀余乃復匍匐叩神云神含光慈慧  
著迹顯英豈其平空跨險是怡而不爲陸沉拯溺是  
視奪小醜之鑿以張皇我師余敢徼大造于神而拓  
新堂構以妥侑厥靈祝罷異香襲鼻靈鷄鼓翼天風  
不揚海波不起舉酌神餘卮拍浮自命不覺築觀壯  
懷突兀然遂力請協勦大師兩臺報可諸道水犀甫  
及期會仍租用民船禁止商船嚴遏接濟于各處出  
水海山插立木剝上書凡商船漁艇切不可在此取



水多製毒草穢物爲疑兵計兩逐之于惠之白沙渚  
兩逐之于漳之彭山于是袁進等困竭計窮而囚首  
面縛就撫閩中矣廓清陰力實賴明神余投石超距  
者何有哉歲晚亮孽林我鵬許新老等鼓氛吹浪復  
逞餘螫余釋代東鎮信道東遷除夜抵島中卽以元  
日率師出海過謁神祠再叩之曰神其留此不盡之  
毒卽神其忘我昔日之祝耶其善視我軍盡殲諸逆  
毋俾遺種于此海上乃合鯨屯駢嚴以待之而小醜  
彌四餘月不窺吾壤比五月抄廣灣之戰汎兵以三

百人擊其千衆奪其被擄獲其銳艦我師炮火之威  
若有神助之者賊乃震怖乘風而遁未幾而我鵬自  
殞廣海矣許新繁徒俘馘矣脇從無良解潰成擒矣  
蓋神之終始垂慈彰天討于不血刃佐我師以稱無  
敵不日殺而日放卽放鷄遺意也余惠徼默佑幸免  
偵轅解甲弢戈敢諼明德爰以正月望日卜地開基  
鳩工聚植距五月朔日遂告落成工甫竣有我鵬酋  
長馬三老者率衆數十人潛伏廟側叢莽中若有警  
覺工作者招呼搜出數十人以飛帆逸去馬酋腰懸



雙刃叉手延頸恍似有縛之者遂獲以歸噫神之保  
我惠我者固示異耀靈未艾哉從此千萬斯年河清  
海晏我後之人其長歆神社無斃獨波臣一時與二  
三同事竊庇媮安已耶

饒平縣志

卷十五

藝文

六

